

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 63. An & qualiter per absentiam solvantur sponsalia.

[urn:nbn:de:hbz:466:1-73973](#)

sit inæqualis; quippe fornicatio sponsæ est fædior & sponso detestabilior, arg. *L. erit crimen. c. ad leg. Jul. de adult. l. palam. ff. de riu nupt.* Neque obstat, quod stante matrimonio hæc delicta mutuò compensentur, & neutra pars se ab altera separare possit quòd ad totum; quia matrimonii obligatio quòd ad torum difficultius solvitur quam obligatio sponsalium. Nihilominus contrarium docent alii, nimurum sponsam fornicantem ob fornicationem sponsi resilire quoque posse, eò quòd causa, quam habet sponsa resiliendi ob fornicationem sponsi non tollatur, per hoc, quòd sponsa quoque fornicetur; cum, quando uterque sponsus culpabilis est in sponsalium executione, utrius permisum est resilire, neque unius culpa alterius culpâ compensetur, ut tradit ipse Sanch. d. 53. num. 6. Gutt. c. 24. n. 10. adeoque id ipsum quoque liceat in causa fornicationis.

4. Resp. Ad secundum: Oscula & tactus admissi à sponsa dant sponso sufficientem causam disolventi sponsalia; eò quòd per hoc sponsa censatur impudica, & ita vilis, ut sine nota duci non possit. Secus esse de viro, eò quòd is per hoc non reddatur ita vilis, nec probrum sit feminæ talem duce-re, tenent cum communi; Laym. cit. n. 10. Sanch. d. 55. n. 5. Gutt. c. 31. n. 2. Pont. c. 17. n. 3. Cönnick. l. c. du. 7. n. 56. quanvis hic & Laym. id ita limitet: nisi oscula & tactus à sponso habiti sint ita frequentes, ut merito timendum sit, quòd sponsam non sit amatus, aut fidem non servatur. Nihilominus hic iterum Castrop. n. 8. tenet contra-rium, nimurum, quòd sive à sponso sive à sponsa admittantur oscula & tactus impudici, pars innocens habeat sufficientem causam resilendi; eò quòd per talia oscula & tactus violetur fides data in sponsalibus, & fidem violanti non sit necessariò servanda fides. Ad hæc non minus sponsum reputari impudicum, & non minor ingeratur suspicio sponsæ, seab eo non amandam, nec sibi fidem servandam stante matrimonio, quæ sufficiunt ad sponsaliū solutionem.

Quæst. 63. An & qualiter per absentiam solvantur sponsalia.

REsp. Primo: Dum sponsus sponsâ insciâ vel non consentiente terram dimittit, & in alias partes se transfert, sponsa à lege sponsalium soluta est; tum quia sic discedens videtur renuntiæ sponsalibus: tum quia sponsa non tenetur sponsum mutantem domicilium sequi. Sanch. l. 1. de sponsal. d. 52. n. 14. Pont. l. 12. c. 15. n. 1. Laym. l. 5. rr. 10. part. 1. c. 2. n. 15. Castrop. p. 23. n. 4. cum communi juxta c. de illis. b. t. idque etiam, licet sponsalia sint jurata, ut expresse habet cit. textus; in quo dum feminæ imponitur pœnitentia pro perjurio, id intelligentium, ut explicat ipse textus, quando ipsa in causa fuit absentia sponsi, matrimonium debito tempore non implendo. Laym. Castrop. ll. cit. Sed neque in hoc casu tenetur exspectare biennium aut triennium. Sanch. d. 54. n. 6. Laym. n. 14. Pont. n. 2. Castrop. l. c. Neque licentiam sponsi aut Judicis sententiam. Sanch. Castrop. ll. cit. Tò enim liberum, quòd utitur cit. textus dicendo: liberum erit mulieribus ipsis ad alia vota se transfrerre; quippe qua dictio consensem & authoritatem alterius tanquam necessariam excludit cit. AA. cum Gl. in c. cùm plures v. liberè. de off. delegat. Bald. in c. quæ in ecclesiistarum. de const. n. 6. Porro ci-tatus textus, ut colligitur ex illis ejus verbis: *Qui terram dimittunt, ad alias partes se conferentes;*

tantum loquitur de mutantibus domicilium. Laym. n. 15. Pont. Castrop. ll. cit. neque enim qui negoti-ii gerendivel causâ studendi alio se confert, ter-ram dimittit: *l. clam possidere. §. qui ad nundinas. ff. de acquir. vel amitt. possit. & l. 2. de incolis.* Polle tamen etiam textum illum intelligi de transferen-te se alio citra mutationem domicilii, cum dicatur & absentia, sic, ut de proximo sponsi redditum minimè sit spes, quod fieri potest, licet non sit in longinquo, tradunt alii; quin & si sponsus sit vagabundus; ut Barb. in c. n. 4.

2. Resp. Secundo: Dum verò sponsus ex causa aliqua necessaria vel voluntaria discedat reversurus consentiente sponsa, tenebat illa toto tempore ex-spectare, quòd inter eos convenit. Si verò ea insciâ vel dissentiente discessit, & causa discessus fuit ne-cessaria. V. G. ægritudo, mors parentum, grave aliud negotium, ex Jure Civili *l. sape. ff. de sponsal.* Sponsæ exspectandus erit finis negoti. Si autem causa discessus intra provinciam fuit honesta, sed voluntaria, exspectandum est per biennium; *l. 2. c. de spons.* Si extra provinciam, per triennium, *l. 2. ff. de repudiis.* Has leges civiles Jure canonico non esse correctas (siquidem cit. c. de illis. loquitur tan-tum de mutante domicilium, non de reversu) ad-eoque servandus (eò quòd in his, quæ Jure canonico statuta non sunt, Jus civile servandum est, si ibi decisa reperiantur, dum nihil continent contra con-scientiam, aut quicquam statuant in materia, Lai-corum potestati non subjecta. *c. 1. de oper. novi nun-tiat.* maximè cùm sponsalia, quamvis ad Sacramen-tum ordinantur, non sint nisi contractus quidam politicus) censent Canis. in cit. c. de illis. Menoch. de arb. l. 2. c. 455. num. 7. Reboll. l. 4. q. 8. sect. 3. n. 2. & 3. Laym. cit. n. 14. & alii apud Sanch. cit. d. 54. n. 5. Dictas verò leges corrigi per Jus canonicum cit. c. de illis. ac ideo servandas necessariò non esse, tenent Sanch. l. c. n. 6. Gutt. c. 30. n. 3. & plu-rimi apud illos. Sed & quidquid sit de ea corre-ctione, eas in præsente casu locum non habere, ad-eoque servandas non esse, sentiunt quoque Castrop. l. c. n. 2. Pont. l. c. 15. n. 4. hac ducti ratione; quòd leges istæ biennium vel triennium statuant, non ut sponsa possit resilire; id enim statim poterat, & ad alia vota transire solo suo disensu, quo, etiam spectato Jure civili sponsalia dissoluebantur; sed ut id possit retentis arthis & donatis à sponso, quæ re-tinere non poterat, nisi constaret sponsum culpa-bilem in executione sponsalium. De cætero verò, cum Jure canonico obligatio sponsalium, ita firma sit, ut nequeat pro cuiusque arbitrio dissolvi, sed veniat disolvenda non aliter, quam si sponsus gra-vem causam dissolutionis prebeat, quæ contingere potest biennio non exspectato. V. G. quia sponsa tamdiu dilatis nuptiis adire potest periculum incontinentia, potest amittere opportunitatem paris aut melioris connubii, decisio hec juris civilis necessariò servanda non est. Ut autem sponsa in hoc casu absentie prudenter aut etiam validè dissolvat sponsalia, certa esse debet, sponsum de proximo non rediturum. Abb. in cit. c. de illis. in fine. Präposit. ibid. n. 5. Sanch. n. 12. Gutt. n. 7. Castrop. n. 3. Et si sponsus est in loco propinquuo, debet sponsum requirere, ut intra certum tempus ad matrimonium contrahen-dum accedat; & quòd si is justo impedimento de-tineatur, penes Judicem ecclesiasticum erit inspecta sponsæ qualitate, de periculo incontinentia alisque circumstantiis judicare, an sit sufficiens causa dissolvendi sponsalia. Sanch. n. 11. Gutt. n. 2. & 6. Covar. in 4. decret. p. 1. c. 5. n. 7. Castrop. cit. n. 3.

3. Porro

3. Porro quæ dicta de absentia Sponsi à fortiori procedunt in absentia Sponsæ; tum quia Sponius & Sponsa sunt correlativa, & disposita de uno censentur quoque disposita de alia, dum subest endem ratio, uti est in praesente; tum quia ex absentia Sponsæ facilius sinistra suspicio concipi solet, Castrop. num. 4. citatis Cyno & Bald, in l. 2. in fine c. de Sponsal. Alex. in c. de illis n. 16. Sanch. l. c. n. 1. Gutt. l. c. n. 1.

Quæst. 64. Qualiter solvantur Sponsalia ob lapsum termini praefixi.

1. Resp. primò: Dum dies nulla designata, quæ explenda Sponsalia per celebracionem matrimonii, estque tamen à consuetudine statutum aliquod tempus, intra quod in isto loco completi solent Sponsalia, ille Sponsorum libabitur ab obligatione, qui intra illud tempus ea implere vult, altero sine iusta causa renuente; presumi enim non potest, Sponsum se obligasse ad diutius expetandum sine nuptiis, praesertim cum hujusmodi promissiones, ubi aliud non exprimitur, quod ad obligationem promissum implend merito censeantur fieri, prout usus communis & consueudo fuit, Kriemer. ad 4. decret. num. 298. Si vero Sponitus afferat impedimentum legitimum à Sponsa ignoratum prius, quo Sponsalium executio ultra illud conluerunt tempus multum diffiri deberet; Iudex interpellandus erit, ut pro qualitate negotii & Sponsæ, praesigat illi terminum, ultra quem exspectare amplius non teneatur Sponsa. Kriemer l. c. Castrop. p. 24. num. 1. citato Cönnick. d. 23. dub. 6. num. 43. & 44. quæ etiam limitatio applicanda resp. seq.

2. Resp. secundò: Dum tempus certum praefixum non est, neque ab ipsis contrahentibus, neque à dicta consuetudine, Sponsalia solvi non posse ait: Castrop. l. c. nisi ob eam moram Sponsi, ex qua prudenter colligi possit, eum Sponsalibus renunciare, aut fidem datum violare; quæ autem ea sit mora, ex qua id prudenter colligi possit, non arbitrio Sponsæ relinquendum, ne proprio amore decepta iniquè judicet, sed interpellandus denuo Iudex, qui negorio prudenter examinato declarat moram esse sufficientem ad dissolvendum Sponsalia.

3. Resp. tertio: Dum certus dies exequendis Sponsalibus designatus est ita, ut ad illum usque differri possit executio, & exinde ea sollicitanda & praestanda (uti contingit in obligatione solvendi pecuniam, cui certus dies designatur, non ut, si illo die facta non sit solutio, extinguatur obligatio, sed ut debitor intelligat, usque ad illum diem permitti solutionem differri, eo autem adveniente, eam exigere posse & praestare debere) eā non praestrā eo die non dissolvuntur Sponsalia, neque ex parte illius, qui in mora est; quia is ex inquirate sua, dum mora est culpabilis, commodum reportare nequit, vel etiam ex impedimento suo justo alteri nolenti inferri injuriam resiliendo. Neque etiam ex parte alterius, qui non est in mora; siquidem alter, licet omittendo illo die exequi Sponsalia, sit etiam culpabilis, si tamen paratus sit brevi tempore ea implere, non est censendus culpam gravem admisisse, nec fidem violasse, quod requiritur, ut pars altera innocens deobligetur & resiliere queat, Cönnick. l. c. num. 45. concl. 3. sed pars, quæ non est in mora urgere potest apud legitimum Judicem,

ut alteri statuatur terminus, ultra quem, si is differat executionem, alter liberetur sua obligatione, sive, si velit, resilire possit. Ratio hujus à priore est, quod in tali obligatione continet duo, sive virtualiter duplex; sive unum vel una contrahendi abolitum matrimonium, alterum sive altera contrahendi illud illa die; & consequenter, licet hæc posterior non impleatur, prior tamen, upoate absoluta & ab hac secunda independens, perseverat. Castrop. n. 2. juncto num. 4.

4. Resp. quartò: Si vero dies Sponsalibus exequendis designatus est ita, ut si eo die noa fiat executio, obligatio extinguitur, imprimis ex parte illius, qui fuit in mora, non solvantur Sponsalia, sed persistit obligatio contrahendi matrimonium; vel enim mora fuit culpabilis, & tunc dolus, malitia aliave culpa ei esse non debet commodo, vel non fuit culpabilis, ed quod juto impedimento fuerit impeditus eo die implere obligationem suam, & neque tunc adhuc liberabitur ab obligatione (etsi videri posset ea liberari, utpote quæ dictæ diei annexa fuit) quia æquum non est ob defecuum suum etiam inculpabilem alteram partem privare jure suo quæsirō. Cönnick. l. c. Sanch. d. 53. num. 7. & 8. Castrop. num. 5. qui etiam addit, talem inculpabiliter non impletum Sponsalia statuto die, teneri adhuc ad contrahendum matrimonium, non in vi Sponsalitæ promissionis, quæ jam cessaverit; neque in vi injuria alicui alteri illata, cum nulla fuit; sed in vi rei alienæ accepta & retentæ, dum nimis retinet scipium, qui alteri ad contrahendum matrimonium debitus erat, & traditus non erat. Sed videri peti principium, dum in quaestione est, num talis inculpabiliter non impletum Sponsalia detineat amplius rem alienam, utpote qualis non manet per dissolutionem Sponsalium & cessationem obligationis contrahendi matrimonium; dein alter, qui paratus fuit statuto tempore implere Sponsalia, alio id culpabiliter omittente, solitus est ab obligatione sua, &, si vult, resilire potest, idque etiam Sponsalia jurata fuerint. Castrop. num. 6. cum communī juxta expressum textum c. sic ut. Unde etiam si uterque fuit in mora culpabilis, uterque deobligatur & resilire potest. Castrop. l. c. Sanch. l. c. num. 6. Cönnick. l. c. num. 49. Pont. l. 12. de Sponsal. c. 16. num. 4. An vero etiam mora inculpabilis det quoque alteri parti sufficientem causam resiliendi, in eo non convenient AA. negant Sanch. d. 23. num. 7. Pont. l. c. Gutt. de mat. c. 24. num. 10. ed quod dici non debet per eum stare, quo minus impleta obligatio, qui eam implere justè impeditus fuit. Arg. reg. jur. 66. in 6. ei imputari non debet ei, per quem non stat, si non faciat, quod fuerat faciendum, reg. 41. juris in 6. quodque Ingitimè impedito non currat tempus. c. quia diversitatem de concess. prob. E contra affirmat Castrop. num. 8. citans pro se Nav. c. 22. num. 27. cas. 11. Cönnick. d. 23. du. 6. num. 47. Laym. l. 5. tr. 10. part. 1. c. 2. num. 17. Rationem dat, quod Sponitus ideo præfigentibus Sponsalibus terminum, ne diutius à nuptiis abstineant, neve occasionem cominodam sibi oblatam contrahendi matrimonium amittant, quam timent postea non inveniendam, æquæ